

茄山河

文 / 朱亚夫

# 爱讲戏话个百岁寿星

上海闲话“戏话”，意思是讲话风趣、幽默，爱开玩笑。迭能个人住往是开心果，自家开心勿讲，还拨人家带来欢乐。上海百岁寿星刘伟伦就是迭能格人。刘伟伦出生于1906年12月19日，扳扳手指头算算，今年伊虚岁已是108岁了。伊祖籍江苏苏州，从小长辣上海，讲着一口带有苏州腔个上海闲话，听着让人感到亲切、适意。伊出身于富裕人家，毕业于东吴大学法学院。祖上办实业，伊年轻辰光承继父业，开过工厂。公私合营后到轻工业局工作，后来下放到玻璃厂劳动。一

生虽历经坎坷，但童心勿泯，始终保持着乐观开朗个秉性。老寿星居住辣徐汇区某新村中个二楼。走进伊个房间，就能感受到迭是个书香人家。墙上挂着丹青名家曹用平个画、胡问遂个书法。刘老百岁时，徐汇区特地为伊制作了一幅有伊形象个“百岁寿星图”，下有评语讲：老人生活基本自理，耳朵有些聋，记忆清楚，思维敏捷，阅读能力较强，性格开朗，兴趣爱好：种花、打太极拳。现在老寿星腿脚勿便，与轮椅为伴，但乐观依旧。刘老长得眉清目秀，头发花白，呒没啥个老年斑，一看就是个慈眉善目个长者。伊穿着格子长袖衬衫，看

见家中来了客人，显得很開心，戏话不断。随行个医生要测评伊个认知能力，拿出一张印有老虎个图片拨伊看，问伊迭是啥？伊斜着头看了看，笑着回答：“老虎呀，不过我勿晓得是雌老虎，还是雄老虎。”一阵哄笑。又问伊几个问题，伊一一回答后，一本正经个讲：“看得出来，今早哪是来考考我了？”引得大家都笑了起来。老寿星晚年丧偶，托亲戚照料，现佣个保姆全日照看。伊显然对现状满意，对话当中经常会冒出调侃、幽默之语。伊个独生女儿现定居美国，嫁拨了一个美国人。有人指着癖个洋女婿个照片问伊：迭个是啥人呀？伊笑着

讲：“迭个是我最最亲爱个女婿。”一次，亲戚要将伊照片带到美国女儿处，伊又讲：“美国勿是喜欢做广告吗？我个卖相不错，可以到美国当模特，拍广告。广告费么？拨多少，[那]看着办。”老寿星喜看体育新闻，有次侄女来看伊，穿个T恤衫上印有姚明头像，伊就讲：依是姚明“粉丝”？晓得哦？阿拉是姚明个老资格“粉丝”！有人看伊年纪介大，劝伊立份遗嘱，伊回答：“我身体好来西，立啥遗嘱？依勿要触我霉头！”来人讲，那老先生再讨个老婆吧？伊立马讲：“勿要瞎三话四，老婆生前对我太好了，我再婚会对不起伊个！”

老里八早

# 哈哈镜

文 / 秦来来

图 / 程多多



带外地人去上海迪斯尼了。到了大世界，两角五分一张门票。还呒没进门，就听到里向笑声勿断。原来门厅里向个12面哈哈镜，已经拿游客花得七颠八倒。讲起来也真是“妖”，一个个，勿关依是小朋友、老头，哪

怕依是身胚结棍个大模子，辣拉哈哈镜面前倏变成了面团团；哈哈镜就像一个技艺高超个大师傅，像捏面团一样，拿照镜子个人弄得来，一歇歇是凸肚挺胸，像只癞蛤蟆；一歇歇拔长身体，像根长缸豆；一歇歇五官分开，只看见眼睛寻勿着耳朵；一歇歇

眼睛鼻头轧拉一筑堆，只有两只耳朵又大又宽，像猪八戒蒲扇耳朵辣招风……

照哈哈镜个人，倏撇勿牢，笑得来弯下仔个腰；有个人捧牢肚皮，伸出一只手点牢一道去个朋友，要想讲啥，偏偏只是笑，闲话讲勿出……一个个倏是痴头怪脑个样子！

我再看阿拉亲眷，伊也是弯下仔个腰，眼睛里向眼泪水嗒嗒滴，一面辣拉摇手，“吃勿消了，勿看了”！

我连忙拿伊拉开，到里向白相，因为大世界向还要闹猛，歌舞、杂技、滑稽、戏剧……要啥有啥，就是一只民俗文艺个大超市。

癖日天，阿拉辣拉大世界向，又是吃小吃，又是看戏文，再加一场故事片，还有交关小游戏，一直到夜里10点半，大世界打烊，阿拉两家头才抖抖抖、心满意足个朝屋里跑。

我一直辣想，发明哈哈镜个人真是了勿起。直到现在，大部分去过大世界个人，当时辣里面看过啥个戏、吃过啥个点心，老早忘记脱了。只有哈哈镜，倏记了心里，勿会忘记。

实际浪向，哈哈镜是由伊特殊个镜面成像造成个：哈哈镜个镜面不是平个，有个部分是凸镜，有个部分是凹镜，告佬能使物像产生变形、变异效果，照起来奇形怪状，引人发笑。

我还一直辣想，当年从外国引进哈哈镜个辰光，一定勿是叫“哈哈镜”个，作兴叫“凹凸镜”之类个。但是到了上海，到了上海人个嘴巴里，变成了“哈哈镜”，几化生动、几化传神，真是顶脱了！

哈哈镜，承载了几代人个欢乐，也承载了几代人个记忆！

远开一眼

# 麻将声

文 / 彭瑞高

他们都是我的乡亲，一道流过汗干过田。照理说该为他们讲讲好话，但说句心里话，我实在不赞成他们的活法。

过去一年四季侍弄百亩田，穷是穷点，但村子朴实、有劲；男男女女劳动致富，家家户户兴蓬蓬的。

几年前，土地“规划”了，老屋拆光了，人也动迁进了新村。各家都拿到新房子，多者四五套，少者两三套，补贴也都论万数，可以说，家家户户都发了。

这本是好事，可不晓得怎么弄的，人心就这样一下子散了。去新村走一遭，到处都是麻将声。有的户头，麻将还不止摆一桌：老年人是一桌，中年人是一桌，年轻人还有一桌。皮夹子胖了，赌头也大了，从前是小来来，现在碰碰就是几百几千元。麻将一夜搓到天亮，个个眼睛兔子式，作孽啊。

温饱无忧，也不用做生活了；家家出租房子，月月都有几千元赚头。村里仅存几亩地，大家也不愿种了，统统承包给外省人。什么种子，什么收成，大家都不关心；关心的只是，今天“手气”好不好。

钞票有了，方向没了。这是好兆头么？

沪渎码头

旧上海犹太房地产大王哈同小辰光靠拾破烂为生，后来到了上海，通过贩卖鸦片搭做房地产权积起巨额财富，成为“远东第一大富翁”。哈同先后做过上海法租界公董局搭公共租界工部局个董事，差勿多控制了上海南京路（今南京东路）一半地皮。1904年春，哈同决定花费70万银元造上海最大个私家花园爱圃园（俗称哈同花园），并且仗着租界当局撑腰，拉静安寺个东面（今上海展览中心一带）用竹篱笆圈地。凡是被划入个地皮，住个人家全部强行拆迁；勿服从个，就用断水、封门啥相逼，交关居民勿得勿搬场。

沪上名医“张聿馨”个祖坟也拉被圈范围个东南角，“张聿馨”蛮有骨气，拿定主意勿让哈同为所欲为。老早上海有过一句流行语：“生了伤寒病，快寻张聿馨。”“张聿馨”原名张骥云，屋里世代行医。伊拉年轻个辰光，有一趟去搭人家看病，勿当心感染病毒，造成听力下降，乃末要靠自制个“喇叭筒”助听应诊，所以得了“张聿馨”别名。“张聿馨”长期从事伤寒病个研究，专门为医迭种毛病研制出“张家膏”，以“张聿馨，一帖药”名扬江南。“张聿馨”个诊所设拉自家屋里，癖是一座造拉上海爱文义路（今朝个北京西路）文安坊个五进宅院，各地个人倏赶过来排队求医。埃个辰光，上海个私人诊所挂号费倏超过半块银元，“张聿馨”只收两角两分，是收得最低个。

哈同晓得“张聿馨”个名气，就对迭个“钉子户”先来软个，但呒没起作用；伊马上翻面孔来硬个，关照施工队勿管三七廿一动手建园。1910年秋，占地一百七十多亩个爱圃园造好了，迭座私家花园个设计以中式为主、西式为辅，小桥流水，亭台楼阁，景色幽雅宜人。

“张聿馨”对哈同一点勿买账，伊利用上海公共租界个法律条文拿迭个外国冒险家告到会审公廨搭英国驻沪领事馆，打了一场马拉松式官司。上海各界也提出抗议，积极声援“张聿馨”。经过长达十多年个诉讼，会审公廨最后因为受到社会舆论个压力，加上“张聿馨”据理力争，只好作出判决：哈同勿能侵犯张家坟址，爱圃园必须另外开条小路拨张家坟祭祖个辰光进出。哈同拿爱圃园比作大观园，看成颐和园，呒没料到最后要拉里向长期保留一块坟地；伊虽然觉着大煞风景，心里邪气勿开心，但最后还是勿得勿承认输脱。

哈同花园里个「钉子户」

文 / 朱少伟

闲话闲画

# 吼势天·吼势人·吼

文图 / 阿仁

懂得，写读上海闲话就是一门考试。把响势写成吼势，最早大约于是上个世纪个二三十年代旧上海个新闻纸。伊个辰光对吼势个由来还做过一点粗粗个考证。老里八早个上海人把天浪个彩虹称之为“吼”。虹辣夏天个雨后出现，届时天热气闷，叫人难受。于是吼时天也好，吼势天也好，这响热就用出来、讲出来了。吼势天是形容天气，引申开来便是“发吼势”。因为诸事不快，郁闷烦恼，使性子发脾气，大家就会讲：“迭个老朋友现在正辣发吼势哉。”从发吼势个不快到寻事寻人发发臭脾气、骂骂山门，就拨上海人叫作“寻吼势”了。再后来，两人结怨，彼此积仇。上海闲

话也以“伊拉两个人一直就有点吼势个”来表达了。吼势是从天浪来个。吼势又变到人身浪去了。最终吼势还变成了一种心情、一种感觉。吼势辣癖种情况之下，就简化为一个字：吼。举例吼者：因为福利分房拨同事轧出分配名单，吼。因为买了传说中个优质股票被股市套牢，吼。因为高考考分只差名校录取分数线一分两分，吼。以上个吼、吼势还来自大事情，而平常因为小个、迷迷小个事体个吼还真不计其数。因此辣熟悉个上海人之间依会听到迭能样个上海闲话交谈：“唉！真正叫我吼煞！”“依讲吼勿吼？”“吼哦”“吼！”



与交关老个旧个上海闲话一样，吼势也正在慢慢叫退出上海滩了。现在个上海小青年用“胸闷”来替代置换“吼势”了。胸闷，瞎问，与吼势一个意思。更有交关关网络浪个新个、更时髦个词汇来与吼势争一席之地了。如此时势，借问一下“吼势”迭句上海闲话：“依勿吃香了，吼哦？”伊呒没有应答。哈哈，“吼势”总归是吼势个。老吼老吼个。

黄霉季节一到，湿度高、气压低。早夜有点冷飕飕，日中心热烘烘。屋里向个墙壁、地板、家具，甚至衣裳都会湿搭搭。所以上海人讲：“黄霉天，吼势天。”何谓吼势？查《上海话大词典》，吼势为响势。意思为难以名状个难受。吼势个写法为响势个俗称。假使没有词典个国际音标个注音，癖“响”字是呒没几个上海人能够准准足足个读出来。我一直认为，要把大家平常日脚挂辣嘴浪个方言写成书面文字是一门大学问。能够准确个写下来，又能够拨大家所认可、所认得、所